

**DELEGAT U DN PF BIH IZ REDA OSTALIH  
ANER ŽULJEVIĆ (SDP BIH)**

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
DOM NARODA  
n/r predsjedavajućeg

Poštovani,

U skladu sa Poslovníkom o radu Doma naroda Parlamenta Federacije Bosne i Hercegovine podnosim amandmane na **Prijedlog zakona o obrtu i srodnim djelatnostima:**

**AMANDMAN I**

**Dodaje se član 18 koji glasi:**

**Član 18.**

**(Obrtnica)**

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
SARAJEVO

Primijeno: 30-09-2019			
Org. jed.	Broj	Priloga	Vrijednost
02-	02-	829	/17

- (1) Za obavljanje obrta, obrtnik mora imati obrtnicu, koja je, u smislu ovog zakona, odobrenje za rad.
- (2) Po upisu u Obrtni registar obrtnička komora kantona (u daljem tekstu: kantonalna komora) na čijem teritoriju se nalazi sjedište obrta obrtniku izdaje obrtnicu.
- (3) Obrtnica se izdaje u dvije veličine od kojih je veću obrtnik dužan izložiti u sjedištu obrta, na vidnom mjestu.
- (4) Izradu i distribuciju obrtnica kantonalnim komorama, u skladu sa stavom (6) ovog člana, vrši Komora.
- (5) Cijenu obrtnice određuje Skupština Komore i ne može iznositi više od 3 % prosječne plate u Federaciji Bosne i Hercegovine obračunate u prethodnoj kalendarskoj godini.
- (6) Sadržaj i oblik obrtnice pravilnikom propisuje Ministar.

**OBRAZLOŽENJE:**

Nedopustivo je izbacivanje Obrtnice koja postoji u svim zemljama okruženja (pravdajući se dosadašnjim neizdavanjem iste. Znači li to da i Obrtni registar i Majstorski ispit treba ukinuti jer se i oni i ne primjenjuju, a u nadležnosti su Ministarstva.. Obrtni registar ne postoji, a u nadležnosti je Ministarstva razvoja poduzetništva i obrta. Nadležni za pravljenje planova i programa za polaganje majstorskih ispita do danas nisu napravili niti jedan (u trenucima kada se naveliko govori o dualnom sustavu obrazovanja), a u nadležnosti su kantona. Obrtnice nisu tiskane iz razloga što je papir koji je Pravilnikom (koji donosi Ministarstvo) namjenjen nemoguće uvesti i preskup je (za isti su potrebne posebne dozvole i dopuštenja kao da se uvozi papir za tiskanje novaca i vrijednosnih papira). Znači, potrebno je samo pravilnikom promijeniti vrstu papira. Obrtnica je zaštitni znak svakog obrtnika u EU i predstavlja svojevrsno priznanje za svakog obrtnika i mora se vratiti u Prijedlog Zakona.

## AMANDMAN II

**U članu 19. prijedloga zakona dodaje se novi stav 2. a stav 2. postaje stav 3.**

- (2) Obrtnici koji obavljaju obrt u skladu sa članom 40. ovog zakona, mogu ponuditi i proizvode drugih tradicionalnih proizvođača (suvenire, nakit i antikvitete) koji se uklapaju u cjelovitu ponudu, a količina takvih proizvoda ne može premašiti količinu proizvoda iz oblasti osnovne djelatnosti, koja je propisana šiframa djelatnosti u rješenju kojim je odobreno obavljanje djelatnosti.

### OBRAZLOŽENJE:

U samom članu stava spominje se promet. Promet proizvoda koji su vezani za djelatnost obrta je bila najveća negativna promjena s donošenjem Zakona 2009. godine. Nakon burne reakcije obrtnika rečeno je da se može baviti prometom odnosno trgovinom u manjoj mjeri. I sada se ministarstvo poziva na Član 24. Stav 4., ali u praksi obrtnici suočeni s inspekcijom doživljavaju neugodna iskustva uvijek praćena velikim novčanim kaznama. Ministarstvo trgovine se izjasnilo protiv trgovine u obrtu jer to kao zadire u resor njihovog ministarstva. Ovakvim činom mnogi obrtnici su svjesno gurnuti u sivu ekonomiju, a država gubi milione maraka godišnje.

## AMANDMAN III

**U članu 23. stav 1. mijenja se i glasi**

- (1) Članovi zajedničkog kućanstva mogu u obavljanju obrta pomagati obrtniku, ako je obrtnik na bolovanju, službenom putovanju ili godišnjem odmoru.

### OBRAZLOŽENJE:

Ovdje treba dodati pod kojim uslovima i koliko dugo u toku dana itd. Dosadašnja praksa je pokazala da je inspekcija kažnjavala obrtnike kod kojih je u radnji zaticala članove užeg kućanstva. Dakle, ovaj član je morao biti detaljnije obrađen kako ne bi na terenu stvarao konfuziju na relaciji obrtnik-inspekcije.

## AMANDMAN IV

**Iza člana 36. prijedloga zakona o obrtu i srodnim djelatnostima dodati član 37. i član 38. koji bi glasili:**

### Član 37.

**(Prijenos obrtnice u slučaju kupoprodaje obrta)**

- (1) Obrtnica se može prenijeti na drugo lice u slučaju kupoprodaje obrta
- (2) Kupac obrta može nastaviti vođenje obrta sam, ako ispunjava uvjete iz člana 9. i člana 10. stav (1) ovog Zakona ili putem zaposlenika koji mora biti u radnom odnosu kod kupca obrta i ispunjavati uvjete iz člana 5. i člana 6. stav ovog Zakona.

### Član 38.

**(Uvjeti za prijenos obrtnice u slučaju kupoprodaje obrta)**

- (1) Kupac obrta iz člana 37. stav (2) ovog Zakona dužan je podnijeti nadležnom organu zahtjev za prijenos obrtnice u roku od 30 dana od dana zaključivanja kupoprodajnog ugovora.
- (2) Uz zahtjev iz stava (1) ovog člana mora se priložiti:
  - ovjeren kupoprodajni ugovor;
  - dokazi o ispunjavanju uvjeta iz člana 5. i člana 6. ovog Zakona
  - ime i prezime zaposlenika i dokaz da ispunjava uvjete iz člana 5. i člana 6. stav ovog Zakona, ako kupac nastavlja voditi obrt putem zaposlenika;
  - ovjerenu izjavu kupca da preuzima sve obaveze nastale u toku obavljanja obrta do trenutka njegove kupovine.
- (3) Nadležni organ iz stava (1) ovog člana donosi rješenje te upisuje prijenos obrtnice i nastavak vođenja obrta putem zaposlenika u Obrtni registar.

### OBRAZLOŽENJE:

Izuzetno je važno vratiti u prijedlog zakona članove 37. i 38. trenutno važećeg zakona koji govori o kupoprodaji obrta (obrtnik mora biti u mogućnosti prodati obrt drugoj osobi). Ovo je pogubno za opstanak obrta i tržišta, posebno za stare i tradicionalne zanate i brend obrta. Zamislite neki obrt koji je poslovao 100 i više godina i da ga vlasnik mora prvo ugasiti a onda netko drugi otvoriti na drugo ime. Automatski se gubi kao brend i praktički postaje novosnovani obrt (recimo da se ugasi coca cola, mercedes, i drugi poznati brendovi.